

## 3 JUAN

### *Gayodih át táyat tútat*

<sup>1</sup> Weém Juan, Jesúíhwādh waóhni, meém Gayo, búdeí wā oinidih nin núodih wā daác wahna caá.\*

<sup>2</sup> Wā dée panihni, wā oini, Dios biícđih ma túi jamatđih wā jéihna caá. Caán biícđih ma túi jamat pah, ma túi yapat pínah, míih bácahbut ā túi jamat pínahđihbut meemđih wā wúbhna caá.

<sup>3</sup> Biquína Jesúíhwā wā pebhna jwinít, ded pah ma jamat doonáđih jwiítđih ĩ naáwáp be. “Cristo ā náahat pahjeh Gayo yoobópđih āpĭ chājna caá”, ĩ niĭj naáwáp be. Páant ĩ niĭjíchah joinít, búdeí wā weñep be.\* <sup>4</sup> Det wā bohénit, wā weh panihnit, Dios ā náahat pahjeh ĩ túi chājat doonáđih joinít, búdeí wāpĭ wēina caá.

<sup>5</sup> Wā chéen, wā oini, Jesúíh doonáđih bohé jibnitđih ma jéihca naáhwā ĩ jamuchah yuhna, ma teo wáacachah, ā táina caá. Pánih teo wáacna, jwĭ Maáh Jesúsđih yoobópđih jepahni ma jamna caá. <sup>6</sup> Biquína queét bohé jibnit jwĭ pebhna jwinít, jwiít Jesúíhwā jwĭ míc wáacachah, “Gayo jwiít Jesúíhwādh ā túi oina caá”, jwiítđih ĩ niĭjĭp ĩ. Pánihna, ma pebhna ĩ jwúb jwĭbínachah, queéđih búdeí ma teo wáacá, bohé péanit, ĩ túi jwúb jib bejat pínah niĭjná. Páant míc teo wáacatđih Dios āihwādh ā náah yacna caá. <sup>7</sup> Queét Jesúíh táini doonáđih bohé jib bejna, Diosđih jéihcannitboó ĩ teo wáacat pínahđih ĩpĭ náahcan caá. <sup>8</sup> Pánihna, jwiít

---

\* **1:1** Hch 19.29; Ro 16.23; 1Co 1.14      \* **1:3** 2Jn 4

Jesúihwāboó queétdih wēi jwāáhnit, jwī teo wáacat dée caá. Pánih teo wáacna, queét biícđih jwiítbut Dios yoobópđih ã naáwátdih bitadih jwī jéihyana caá.

### *Diótrefes yeejép ã chājat*

<sup>9</sup> Caanjīh moón Jesúihwāđih wā daác wahap yuh be. Obohjeéhtih, páant wā daacáchah yuhna, Diótrefes wūt jumni, caanjéh wutni jumíhna, weemdíh át jepahcap wut be. <sup>10</sup> Pánihna, ñi pebhna wā jubínachah, ded pah ã chājatjidih yeéb Jesúihwāđih wā naóh beedábipna caá. Weemdíh yeejép ãpī naóh yacna caá. Chah yeejépbat ãpī chājna caá. Jesúihwā ãih túini doonáđih naóh jibnitđih wēi jwāáhcan, ãih mūdđih ãpī waadát túutcan caá. Bitá caanjīh moón Jesúihwāboó bohé jibnitđih ĩ wēi jwāááchah ennit, caánboó “Queét bohé jibnitđih ñi wēi jwāáhca bojóó”, ãpī niĵ wutna caá. “Queétdih ñi wēi jwāáát jíib jwiít Jesúihwā jwī míc wáacapboó ñi jwáub waadcá bojóó”, ãpī niĵná caá.

<sup>11</sup> Wā oini, det yeejépwā ĩ chājat pah chājcanjeh, túi chājnitboodíh ma en yacaá. Túi chājnit Dioíhwā ĩ jumna caá. Obohjeéhtih, yeejép chājnitboó Diosđih jéihcannit ĩ jumna caá.\*

### *Demetrio ã túi chājat*

<sup>12</sup> Demetrio wūt jumniboodíh nihat cǎacwā ĩ túi wéhena caá. Dios ã náahat pah ã túi chājatđih enna, túini ã jumatđih ñi jéihna caá. Weembút caandíh páant tigaá wā niĵíp. Páant wā niĵát yoobópđih ã jumatđih ñi jéihna caá.

---

\* **1:11** 1Jn 2.29; 3.6,9-10

*Ã naóh péaat*

<sup>13</sup> Meemdih chah naáwihna yehna, caandih wã daáquihcan caá. <sup>14</sup> Waícanjeh meemdih enedih wã bejihna caá. Caanná jaiibínit, meemdih wã míc wéhebipna caá.\*

<sup>15</sup> Dios meemdih ã teo wáaca naáh, ma tái jumat pínah niijná. Ninjih jumnit jwĩ chéenwãbut meemdih ã táyat tãutna caá. Caanjih moón jwĩ chéenwã nihat ã táyã naáh.

Páant bóojeh tigaá wã naáwát.

Juan

---

\* **1:14** 2Jn 12

## **Dios ã jáap naáwát tólih New Testament in Cacua**

copyright © 2008 Wycliffe Bible Translators, Inc.

Language: Cacua

Translation by: Wycliffe Bible Translators, Inc.

### **Copyright Information**

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Cacua

**© 2008, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
34c9543b-57a6-5290-ab7b-4fa15529a7e2